



**Yn dod â'ch diweddariad misol ar y gwaith gwella
yn Adran Achosion Brys Ysbyty Gwynedd**



Canolbwyntio ar: Falconer Electricals Ltd

Adroddiad Rheolwr Safle

**Meddyg yr Adran Achosion Brys
yn mynd ar "The Island" gyda "Bear Grylls"!**

**Digwyddiad talent i godi arian ar gyfer yr
Adran Achosion Brys**



@bcuhb



/betsihealthboard



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Canolbwyntio ar: Falconer Electricals Ltd



Mae Falconer Electricals Ltd yn un o nifer o fusnesau lleol sy'n gweithio ar y gwelliannau i'n Hadran Achosion Brys.

Nid yw'r cwmni'n ddieithr i'r bwrdd iechyd ac maent wedi gweithio ar wahanol brosiectau i ni dros y blynnyddoedd.

Mae'r tîm o chwe dyn yn brysur ar hyn o bryd yn gweithio yn yr Adran Achosion Brys i helpu i gwblhau'r ail gam ac yn dechrau gweithio ar gam olaf y prosiect tuag at ddiwedd mis Hydref.

Dywedodd Jason Jones, Rheolwr Cwmni Falconer Electricals Ltd sydd wedi'i leoli ym Mhenrhyndeudraeth: "Mae llawer o'n dynion sy'n gweithio ar hyn o bryd yn yr Adran Achosion Brys wedi bod yn gweithio i'r cwmni ers tro.

"Chris Debruin yw ein trydanwr arweiniol sydd wedi cymhwyso mewn rheoli safle - mae'n meddu ar dystysgrif SMSTS (cynllun hyfforddiant diogelwch rheolwr y safle). Mae Chris fwy neu lai wedi bod yn gweithio ar brosiectau'r Bwrdd Iechyd yn barhaol ers iddo ddechrau gyda ni nol yn mis Awst 2006.

"Mae Chris Etheridge (trydanwr), John Roberts (trydanwr), Tomos Owen (trydanwr), Stephen Hewitt (cynorthwydd profiadol) a Paul Patton (cynorthwydd profiadol) yn gweithio gyda Chris Debruin. Mae John, yn arbennig, wedi gwneud llawer o waith i'r Bwrdd Iechyd."



Drosodd i chi...

Rydym bob amser yn falch o gael adborth am Adran Achosion Brys Ysbyty Gwynedd a'n gwasanaethau. Dyma enghraifft o rai o'r pethau y mae unigolion wedi dweud wrthym.

f Hoffwn ddiolch i staff Adran Achosion Brys Ysbyty Gwynedd a ddeliodd â fy merch yn brydlon ac yn effeithlon.

Diolch i'r nyrs brysbennu a asesodd fy merch cyn pen tri munud wedi i ni gyrraedd ac yna hanner awr yn ddiweddarach, galwodd Dr Manon Evans ni i fynd drwodd.

Fel teulu Cymraeg, roedd cael meddyg a oedd yn siarad Cymraeg gyda hi yn ei galluogi i fynegi ei hun ac i egluro wrth y meddyg beth oedd yn bod a ble oedd yn brifo. Diolch o galon

Cyrhaeddais yr Adran Achosion brys o gwmpas 2.30pm ac roeddwn wedi cael fy mrysbennu cyn pen 15 munud. Arhosais yn amyneddgar gan siarad ag eraill hyd nes o gwmpas 4.30pm, cefais belydr-x ac yna'n ôl i'r adran Achosion Brys i ddarganfod fy mod wedi torri bawd fy nhroed. Cafodd bawd fy nhroed ei strapio gan nyrs clen o'r enw Peter a chefais fynd gartref. Roedd gofal cleifion yn 100% Diolch yn fawr i chi gyd!

Meddyg yr Adran Achosion Brys yn mynd ar "The Island" gyda "Bear Grylls"!



Bydd Dr Saleyha Ahsan, sydd wedi bod yn gweithio i Adran Achosion Brys Ysbyty Gwynedd am bron i ddwy flynedd, yn un o ddeg cystadleuydd a fydd yn cael eu gollwng ar ynys yn y Môr Tawel sydd 30 milltir oddi ar arfordir Panama yn un o'r amgylcheddau anoddaf ar y ddaear.

Mae Dr Ahsan yn gyn-gapten yn y Fyddin Brydeinig a wasanaethodd ym Mosnia. Gadawodd y fyddin ym mis Medi 2000 i ailhyfforddi fel meddyg ar ôl gweld ymdrechion meddygon yn ystod ei thaith weithredol.

Mae hi hefyd yn wneuthurwraig ffilmiau angerddol ac wedi cynhyrchu nifer o adroddiadau ar ofal iechyd ar gyfer y BBC a Newyddion Channel 4.

Wrth ddisgrifio ei phrofiad ar yr ynys, dywedodd: "Roedd cymryd rhan ar y sioe yn anodd ac yn heriol iawn, ond roedd yn brofiad anhygoel.

"Roedd bod ar yr ynys yn gwneud imi werthfawrogi'r holl bethau rydym yn ei gymryd yn ganiataol, megis mynediad at ddŵr glân, bwyd a'r gorfoledd o gael cadair iawn i eistedd arni!"

Bydd Dr Ahsan, a ymddangosodd hefyd ar y rhaglen "Trust Me I'm a Doctor" ar BBC 2 ymysg eraill ar y rhaglen, sy'n cynnwys Eric Roberts, actor enwebedig Gwobr Academi a'r "Golden Globe", Martin Kemp, actor a cherddor, James Cracknell rhwyfwr sydd wedi ennill dwy fedal aur Olympaidd, Antony Ogogo, bocsiwr Olympaidd, Peter Wicks, seren TOWIE, Jo Wood, model ac unigolyn ar y teledu, Montana Brown seren "Love Island", Roxanne Pallett, actores a darlledydd radio, Paris Lees, newyddiadurwr, cyflwynydd ac actifydd trawsryweddol.



GIG
CYMRU
NHS
WALES

Bwrdd Iechyd Prifysgol
Betsi Cadwaladr
University Health Board

Adroddiad Rheolwr y Safle, Iwan Lewis

Mae gwaith yn mynd rhagddo yn dda iawn ar y safle ac ar hyn o bryd rydym ar y trywydd iawn i orffen rhwng tair a phedair wythnos yn gynharach na'r hyn a gynlluniwyd ar ddiwedd mis Hydref os bydd y cynnydd cyfredol yn cael ei gynnal.


Mae'r sgaffaldiau bellach wedi cael eu tynnu oddi ar du blaen yr adeilad ac mae'r gorffeniadau terfynol i'r llawr, paent a'r nenfwd wedi cael eu gwneud.

Rydym yn awr yn edrych ymlaen at gwblhau cam 2 o'r prosiect ac i symud ymlaen at y cam olaf.



Hyd Prifysgol
Betsi Cadwaladr
University Health Board

Noson dalent i gefnogi'r Adran Achosion Brys!



Yn dilyn llwyddiant y digwyddiad y flwyddyn ddiwethaf, bydd y digwyddiad codi arian poblogaidd 'West's Got Talent' yn cael ei gynnal yng Nghlwb Rygbi Bangor dydd Gwener 19 Hydref 2018.

Bydd West's Got Talent yn arddangos talentau rhyfeddol ac anhygoel staff y GIG yng Ngogledd Orllewin Cymru, gan godi arian hanfodol i gefnogi cleifion lleol trwy eich elusen GIG, Awyr Las.

Eleni bydd yr arian a godir o'r noson yn helpu tuag at brynu eitemau ar gyfer yr Adran Achosion Brys newydd.

Am docynnau cysylltwch â 01248 384395 neu e-bost awyrlas@wales.nhs.uk

